



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 49 DE SU 15/03/2023

OGETU: APROVATZIONI PROGETU DE FATIBILIDADI TÈCNICA E ECONÒMICA DE IS TRABALLUS PO SU FRÀIGU DE UN' EDIFÌTZIU PO SA SCOLA DE S'INFÀNTZIA IN LOCALIDADI FRUTTI D'ORO - CUP G45E21000020006. D.M.343/2021-PNRR M.4-C.1-INV.1.1.

S' annu 2023, su 08 de su mesi de Martzu a ora de is 12.30, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi sighint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
No
Eja
Eja
Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Bius:

- su regulamentu (UE) n. 2021/241 de su 12 de friàrgiu 2021, chi at istituìu su Dispositivu po sa Ripresa e sa Resilièntzia;
- su Pianu Natzionali de Ripresa e Resilièntzia (PNRR), aprovau de su Consillu ECOFIN de su 13 de su mesi de argiolas 2021;
- su decretu de su Ministru de s'economia e de is finàntzias 6 de austu 2021, cun s' "Assinnatzioni de is resursas finanziàrias previdias po s'atuatzioni de is interventus de su Pianu natzionali de ripresa e resilièntzia (PNRR) e partzidura de is obietivus po scadèntzias semestralis de rendicontatzioni";
- su decretu de su Ministru de s'istrutzioni, paris cun su Ministru de s' economia e de is finàntzias 21 de cabudanni 2021, n. 284, cun s'istitutzioni de una Unidadi de missioni de livellu dirigenziali generali po s'atuatzioni de is interventus de su Pianu natzionali de ripresa e resilièntzia de su Ministeru de s'istrutzioni;
- su decretu de su Ministeru de s'Istrutzioni n. 343 de su 02.12.2021 po sa definitzioni de is critèrius de partzidura, po cada regioni, de is resursas de su Pianu natzionali de ripresa e resilièntzia e de is maneras po sceberai is interventus;
- s'avisu pùblicu, prot. n. 48047 de su 2 de idas 2021, po sa presentazioni de propostas po cumpriri struturas a destinazioni asilus niu e scolas de infàntzia, cun finanziamentu cunforma a su PNNR, Missioni 4 – Istrutzioni e Circa – Cumponenti 1 - Afortiamentu de s'oferta de is servìtzius de istrutzioni: de is asilus niu a is Universidadi - Investimentu 1.1: "Pianu po asilus niu e scolas de s'infàntzia e servìtzius de educatzioni po sa primu infàntzia", finanziau de s'Unioni europea – Next Generation EU;

Ca su Comunu de Cabuderra at pigau parti a s' avisu presentendi sa proposta po "Fraigai una scola de s'infàntzia in localidadi Frutti d'oro" - CUP G45E21000020006 ;

Biu su decretu de su Ministeru de s'Istrutzioni n. 57 de s'8.09.2022 chi at aprovau is graduatòrias chi pertocant s'avisu pùblicu prot. n. 48047 de su 2 de idas 2021;

Bida sa graduatòria (ligòngiu 3 – Infàntzia decretu 57/2022) chi pertocat s' Avisu pùblicu prot. n. 48047 de su 2 de idas 2021, innui arresurtat ca su Comunu de Cabuderra est beneficiàriu de su finanziamentu de € 1.615.000,00, po sa scola de s'infàntzia in localidadi Frutti d'oro, CUP G45E21000020006;

Biu s'Acòrdiu de cuntzessioni de finanziamentu e santzionis n. 235456, prot. n. 89968 de su 24/10/2022, intra de su Ministeru de s'istrutzioni e su Comunu de Cabuderra, po sa scola de s'infàntzia in localidadi Frutti d'oro;

Biu s'Addendum a s'acòrdiu de cuntzessioni de finantziamentu n. 264686, prot. n. 1672 de su 10.01.2023, intra de su Ministeru de s'istrutzioni e su Comunu de Cabuderra, po sa scola de s'infàntzia in localidadi Frutti d'oro, CUP G45E21000020006;

Postu chi s' interventu est ainturu in su programa triennali de is traballus pùblicos 2022-2024, aprovau de su Consillu Comunali cun sa deliberatzioni n. 65 de su 05.08.2022, e in su programa triennali 2023-2025 chi s'est aprovendi;

Bida sa determinatzioni n.1393 de su 23/12/2022 chi at afidau s'incàrrigu de progetatzioni de s'òpera a s'Ing. Fabrizio Cadeddu ;

Biu su progetu de fatibildadi tècnica e econòmica cun is documentus afatantis:

Elaboraus Analiticus

- ✓ A.1 – Relata generali
- ✓ A.2 – Relata tècnica
- ✓ A.3 – Relata paesagistica
- ✓ A.4 – Relata de verifica preventiva de s'interessu archeològicu
- ✓ E. - Relata de sustenibilidadi de s'òpera
- ✓ E.1 - Relata C.A.M.
- ✓ F. - Rilievus planu-altimètricus e stadu de cunsistèntzia de is òperas chi giai ddoi funt e de is òperas interferentis a ingìriu de s'òpera de progetai
- ✓ G. - Còmputu estimativu de s'òpera
- ✓ H. - Cuadru econòmicu de progetu
- ✓ I. - Schema de cuntratu
- ✓ J. - Capitulau spetziali de apaltu
- ✓ K. - Cronoprograma
- ✓ L. - Pianu de seguresa e de coordinamentu
- ✓ M. - Fascìculu de s'òpera
- ✓ N. - Previsioni de is gastus po sa seguresa
- ✓ O. - Pianu preliminarì de manutentzioni de s'òpera e de is partis suas
- ✓ P. - Pianu preliminarì de monitoràgiu geotècnicu e struturali

Elaborati Gràficus

- ✓ 1. - Incuadramentu urbanìsticu; scala 1:2000 - 1:500
- ✓ 2. Progetu. Planimetria generali; scala 1:200
- ✓ 3. Progetu. Prantas; scala 1:100
- ✓ 4. Progetu. Prospetus e setzionis; scala 1:100

Biu su cuadru econòmicu;

Cunsiderada sa determinatzioni n. 240 de su 09.03.2023, chi at aprovau s'atu de validatzioni de su pròpiu progetu de fatibildadi tècnica e econòmica, stèrriu de su RUP Ing. Enrico Concas;

Stabiliu ca in su bilàntziu de previsionì 2023-2025 funt a disponimentu is resursas in su capìtulu n. 1245113, po sa scola de s'infàntzia in localidadi Frutti d'oro - CUP G45E21000020006, òpera finantziada cun fundus de su cali a su D.M.343/2021-PNRR M.4-C.1-INV.1.1.;

Ca no serbit varianti peruna;

Stabiliu chi po custa òpera no serbit protzedura de spodessimentu;

Biu su D.Lgs. 18 de abrili 2016, n. 50: “Còdixi de is Cuntratus Pùblicos”;

Biu su d.P.R. 5 de ladàmini 2010, n. 207: “Regulamentu de esecuzioni e atuazioni de su Decretu Legislativu 12 de abrili 2006, n. 163”;

Biu su D.Lgs. 18 de austu 2000, n. 267: “Testu ùnicu de is leis asuba de s’ordinamentu de is entis localis”;

Biu su statutu comunali;

Arriciu parri a favori de regularidadi tècnica cunforma a s’art. 49, c. 1, de su D.Lgs. n. 267/2000, de parti de sa Responsàbili de su Setori Traballus Pùblicos;

Arriciu parri a favori po su chi spetat regularidadi contàbili segundu s’art. 49, c. 1, de su D.Lgs. n. 267/2000, de sa Responsàbili de su Setori Finantziàriu;

Cun votazioni a totòmini e a favori,

DELÌBERAT

De aprovai su progetu de fatibilidadi tècnica e econòmica, stèrriu de s’Ing. Fabrizio Cadeddu, po fraigai sa scola de s’infàntzia in localidadi Frutti d’oro - CUP G45E21000020006, òpera finantziada cun fundus de su D.M.343/2021-PNRR M.4-C.1-INV.1.1., cun is documentus chi s’inghrint:

Elaboraus Analiticus

- ✓ A.1 – Relata generali
- ✓ A.2 – Relata tècnica
- ✓ A.3 – Relata paesagìstica
- ✓ A.4 – Relata de verìfica preventiva de s’interessu archeològicu
- ✓ E. - Relata de sustenibilidadi de s’òpera
- ✓ E.1 - Relata C.A.M.
- ✓ F. - Rilievus planu-altimètricus e stadi de cunsistèntzia de is òperas chi giai ddoi funt e de is òperas interferentis a ingìriu de s’òpera de progetai
- ✓ G. - Còmputu estimativu de s’òpera
- ✓ H. - Cuadru econòmicu de progetu
- ✓ I. - Schema de cuntratu
- ✓ J. - Capitulau spetziali de apaltu
- ✓ K. - Cronoprograma
- ✓ L. - Pianu de seuresa e de coordinamentu
- ✓ M. - Fascìculu de s’òpera
- ✓ N. - Previsioni de is gastus po sa seuresa
- ✓ O. - Pianu preliminarì de manutentzioni de s’òpera e de is partis suas
- ✓ P. - Pianu preliminarì de monitoràgiu geotècnicu e struturali

Elaborati Gràficus

- ✓ 1. - Incuadramentu urbanìsticu; scala 1:2000 - 1:500
- ✓ 2. Progetu. Planimetria generali; scala 1:200
- ✓ 3. Progetu. Prantas; scala 1:100
- ✓ 4. Progetu. Prospetus e setzionis; scala 1:100

De aprovai su cuadru econòmicu de su progetu;

De decrarai chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.
